



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Thronus Dei Maria Deipara

Spinelli, Pietro Antonio

Coloniæ Agrippinæ, 1696

Iulianus Apostata à S. Mercurio Deiparæ jussu interemptus, n. 59

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

ECCLESIAE HOSTES DEIPARA EAM  
*protegente misere perierunt.*

**Ecclesia** **59** **N**ON desunt complura exempla infide-  
**hostes à** **lium**, aliorumque Ecclesiae hostium,  
**Deipara** **qui** singulari Deiparae ope contra noxium ser-  
**puntur** **pentis** caput strenuè dimicantis contriti sunt,  
 atque extincti, dignasque sceleris suorum poenas,  
 etiam in praesenti vita dederunt. Ex his ali-  
 quot subiiciemus. Quamvis enim, ut rectè  
 de Deipara Bernardus serm. Sginum magnum:

**Bernard.** *Nihil inquit, austerum in ea, nihil terribile, tota  
 suavis est, offerent lac, & lanam & infia: Quod  
 si (ut verè sunt) plena magis omnia pietatis, &  
 gratia, plena mansuetudinis, & misericordia, qua  
 ad eam pertinent, inueneris, ago gratias es, qui  
 talem Mediatricem benignissima miseratione pro-  
 vidit. Ad misericordiam tamen ejus spectat,  
 etiam Ecclesiae hostes pestilentissimos, tan-  
 quam lupos truculentos à filij sui grege arce-  
 re, quo eorum furore compresso, fideles suae  
 salutis quietè vacare, & divinae Majestati secu-  
 ra mente deservire possint, quin etiam reliqui  
 infideles aliorum poena edocti ab Ecclesiae  
 vexatione absterreantur. Sapienter enim illud  
 pronunciauit Salomon Proverb. 19. *Pestilente  
 flagellato stultus sapientior erit.* In bellis quoque  
 Christianorum Deiparam sanctissimam toni-  
 trua contra fidei hostes ejaculari, Opemque  
 suam fidelibus impertiri solitam, minimè du-  
 bium significat. onibus saepe compertum est,  
 quemadmodum in tractatu de exemplis per-  
 spicue apparebit.*

**Eronez. 19.**

IVLIANVS APOSTATA A S. MERCURIO  
*Deiparae jussu interemptus.*

**I**VLIANVS Apostata Christiani nominis  
 hostis infensissimus juxta ac saeuissimus  
 Christianos post reditum è bello Persico (in  
 quo tamen infeliciter periit) falsis suis Diis  
 victimam deuouerat: quare viri, qui ea tempe-  
 state sanctitate clarebant, multis lachrymis  
 Deo rem Christianam commendabant. Tandem  
 Julianus mandato Dei genitricis ad pre-  
 ces S. Basilij coram ejusdem imagine fufas à S.  
 Mercurio Martyre hasta traiectus: Et, ut ver-  
 bis utar Nazianzeni orat. 2. in Julianum, *latale  
 cerid, orbis, uniuerso salutare vulnus accepit.*  
 Rem gestam non ex vita Basilij, quae sub Am-  
 philochii nomine circumsertur, quae non recipit

**Julianus**  
**Apostata**  
**Deipara**  
**jussu à S.**  
**Mercurio**  
**interfici-**  
**tur.**  
**Nazianz.**  
**Baronius.**

Baronius tom. 4. Annal. ad Annum Christi  
 363. sed ex fragmento vitae Basilij ab Hella-  
 dio conscripta hic ponimus: quod Damasco  
 in oratione prima de Imagin. refert his  
 verbis. Quod autem Imaginum institutio  
 non noua, sed prisca sit, & apud Sanctos, & exi-  
 mios Patres nota, & usitata discere ex his, quae  
 in vita beati Basilij ab Hellaudio ejus discipu-  
 lo, in Pontificatuque successore conscripta  
 sunt; Pius enim vir, ut ipse narra. Dominæ  
 nostrae astant imagini, in qua Mercurij, etiam  
 celebri Martyris figura descripta erat, astant  
 autem supplicans, ut impius Iulianus tollere-  
 tur; ex qua quidem Imagine didicit quid esset  
 euenturum: vidit enim Martyrem ad exiguum  
 tempus obscurum, id est (ut rectè interpreta-  
 tur Billius) ab oculis suis euanescentem: non  
 multò autem post hastam cruentam tenen-  
 tem. hac apud Damascenum ex Hellaudio.  
 Quibus consonat Sozomenus libro 6. c. 2. qui  
 refert visionem quandam alteri objectam, qua  
 duo ex Sanctis ad Iulianum delendum egre-  
 diebantur, & sequenti nocte ij per visum Iulia-  
 num occitum nunciarunt. Nicephorus verò  
 lib. 10. c. 35. duorum illorum nomina ponit,  
 alterum ait vocatum Mercurium Martyrem,  
 alterum verò Artemium, item Martyrem, am-  
 bos egregios olim milites Christianos: hinc  
 enim est quòd percussor Juliani ignotus fue-  
 rit; etiam ijs, qui in eo certamine cum eo mili-  
 tabant, & S. Nazianzenus, qui multorum re-  
 fert ea de re sermones in orat. 1. contra Iulia-  
 num, & in orat. in laudem Athanasij diuina  
 virtute id confectum tradit: certè ex nece  
 Iuliani Deiparae jussu veluti tonitru per S.  
 Mercurium facta, magna pax in ecclesia est  
 consecuta.

Sed ne caput hoc nimium protrahatur, re-  
 liqua ejusmodi exempla uberius prolequar ad  
 calcem Tractatus de Exemplis Deiparae, eor-  
 um tamen argumentum in lectoris gratiam  
 eodem, quo ibi recensentur, ordine hic sub-  
 jiciam.

**HÆRETICI, ALIQ. CHRISTIANI**  
*nomine hostes Deiparae ope delicti; quorum  
 exempla in Tractatu de Miraculis  
 fufius narrantur.*

**60** **N**estorius impietatis suae in Deiparam  
 poenas luit.

**Baronius.**  
**Alig. C. 117**  
**Ana.**